

Diskursu S.E Presidente do Parlamento Nasional
iha Konferensia Nasional konaba Saúde Reprodutiva
ho tema Investe iha Feto, Investe iha Timor Leste nia
Futuru

Delta Nova, 21 de setembro 2016

Excelentíssima Presidente Grupo das Mulheres
Parlamentares;

Destintos Deputados Parlamento Nasional;

Destinta Deputada husi Parlamento Nacional *The
Philipines* nian;

Destinta Deputada husi Parlamento Nacional Nova-
Guinea;

Reverendíssimo Padre Vigario Geral Diocese de Dili

Reverendíssima Madre Guilhermina Marcal, FdCC

Excelentíssimos Membros do Governo

Excelência sira convidados.

Ohin, Parlamento Nasional Timor Leste reitera dala
ida tan papel importantíssimo Grupo Feto
Parlamentares Timor Leste nian (GMPTL) neébe
estabelisi duke das desde tinan 2006 liu husi
Resolusaun Parlamentu Nasional nº. 2/2006 de 12 de

Abril no mos Resolusaun Parlamento Nasional lubuk ida tuir kedas lori evolusaun bot ba papel Feto Parlamentares sira ho objetivos atu promove partisipasaun feto nian iha vida politika, igualidade generu no kombat diskriminasaun no desigualdade, promove no desenvolve kooperasaun no partisipasaun entre redes mulheres parlamentares estados membros CPLP no grupos seluk husi Parlamentares seluk, nomos ho entidades nasional no internacional hodi halo estudus relasionadu ho objetivu GMPTL nian no desenvolve actividades hodi realiza objetivu hirak neé.

GMPTL realiza Seminariu Nasional Direitu ba Saúde Sexual no Saúde Reprodutiva ho Tema Investe iha Feto nia Saúde, Investe Timor Leste nia Futuru ho objetivu atu: analize no avalia implementasaun

rekomendasaun sira iha Seminariu Nasional iha tinan 2010, hatur estratezias ba dezvoltimentu sustentavel no harí konsensus entre instituisaun relevante sira baoin.

Minhas Senhoras e Meus Senhores

Konseitu sira konaba saúde reprodutiva no direitu reprodutiva defini klaru tiha ona ba dahuluk iha 1994 iha Konferensia Internasional konaba Populasaun no Dezenvolvimentu, neébe realiza iha Cairo, Egipto.

Direitu Reprodutiva, inklusiva planeamentu familiar no saúde sexual neé hanesan direitu umanu ida neébe halo parte ba direitu ba saúde einzeral.

Investimentos iha Servisu sira ba saúde reprodutiva sei salva no halo inan feto sira kumpriende kona ba HIV/CIDA, promove igualdade zeneru, ho nuneé ikus mai posibilita investmentus oi-oin iha area saúde no edukasaun hodi bele kontribui ba kontrolu kresimentu populasaun no bele halakon kiak no mukit, (UNFPA).

Servisu sira konaba Saúde Reprodutiva inklui mos kona ba atensaun no zestaun ba partus, assistensia psikolojika, prevensaun ba infertilidade, prevensaun no tratamentu ba infeksaun ba orgaun reprodutiva, no infeksaun tamba transmisaun sexual, inklui HIV/CIDA, nomos atensaun ba konsekuensia sira husi abortu hirak neébe maka halao iha kondisaun ladiak liu (UNFPA).

Saúde sexual no reprodutiva signifika que ema sira tende hetan vida sexual neébe diak no seguru, liu husi informasaun konaba sexualidade no prevensaun husi moras iha orgaun reprodutiva no AIDS no liberdade atu desidi bainhira maka bele hetan oan, espasu entre inan tur-ahi no koñesimentu kona ba meius kontrasepsaun no koñesimentu ba padraun sira konaba saúde sexual no reprodutiva.

Excelências convidados sira,

Vida joven hanesan vida adolescente neébe maka normalmente iha hakarak neébe makas tebes atu hatene konaba oinsa ema adultu sira nia moris, tamba neé dala barak la konsege domina-an, to hakarak koko buat neébe maka sira seidauk hatene lolos.

Edukasaun konaba sexualidade laos oinsa relasaun orgaun vital feto no mane, maibe mos kona ba aspetu biolozika, psikolozika, social no moralidade.

Nesesidade ba sex neé hanesan neseseidade biologis ema normal ida maibe iha diferensa entre ema ho animal, tamba ema uma nuneé be saudavel iha aspetu neébe maka bele kontrola-an, tamba neé edukasaun konaba sexualidade laos deit konaba relasaun orgaun vital mane ho feto nian deit, maibe iha aspetu responsabilidae moral no social.

Sexualidade neé parte integral husi ema umanu nia moris, tamba neé prezisa atu hatene hodi nuneé joven mane no feto iha koñesimentu diak liu husi edukasaun sexual neébe los husi inan-aman ka edukasaun formal/non formal.

Minhas Senhoras e Meus Senhores,

Kuidadu konaba saúde orgaun reprodutiva hanesan mos kuidadu ba isin lolon tomak, tamba orgaun reprodutiva mos hanesan parte ida integrante husi isin-lolon.

Presiza tebes atu hare konaba higienia hahan no bebidas neébe mak konsumu, isin lolon neébe mos, no aktividade desportu no maneiras konvivensia joven sira nian neébe saudavel no la estraga orgaun reprodutiva. Modelu konvivensia negativa neébe mak sei kauza estragus ba funsaun normal orgaun reprodutiva hanesan konsumu bebidas alkuolikas, drogas no sex livre; Neé presiza atensaun inan aman, governu, parlamentares, instituisaun reliziozas, ita hotu presiza tebes tau importansia no atensaun.

Iha kazu lubuk ida mak, rezista ona liu husi media komunikasaun sosial fo sai konaba ema soe bebe neébe foin moris; Neé hatudu sentidu laiha responsabilidade no amoral. Neé bele presume hahalok joven sira neébe mak la preparadu atu sai inan ka aman ba vitima bebe neébe sira soe deit depois de tur ahi, ka halo abortus criminalis; Oinsa inan aman nia atensaun no responsabilidade ?Oinsa Komunidade nia atensaun no responsabilidade?

Tamba neé Komferensia neé importante tebes atu GMPTL hare fila fali rekomendasaun sira neébe mak halo ona tinan lima liu ba oinsa nia implementasaun, hamutuk ho koperasaun ho parseirus xave sira, hodi nune bele analize no halo avaliasaun neébe maka diak, hodi responde ba objetivu husi dezvoltamentu sustentavel ba objetivu programa

nasaun nian iha area Direitus Humanus inklui Feto no Saúde iha oin mai, nomos hodi buka tok meius oinsa responde ba akontesimentu sira hanesan temi iha leten.

Estatuto GMPTL sei guia ho diak actividades sira konta mos ho servisu hamutuk ho Komisaun F Parlamentu Nasional hodi hatur politika neébe klaru hodi bele responde desafius bot iha oin mai hanesan revolusaun digital neébe mak lori mos aspetus negativus ba joven mane no feto sira nia konvivosiano komunikasaun iha social media, internet/facebook no seluk-seluk tan.

Esforsu maximu GMPTL nian ho apoiu tomak Parlamentu Nasional, Governu, konta mos ho apoiu Nasoens Unidas no Ajensia Internasional sira no

organizasaun naun governmental iha area saúde ita bele aposta katak sei bele hatur estratezias, no koordenasaun diak hodi bele investe duni iha fetu hodi garante futuru ida diak konaba saúde no direitu reprodutiva iha Timor Leste.

Hanesan Presidente Parlamento Nasional, Hau depozita komfiansa bot iha Presidente ho Estrutura GMPTL tomak nomos komferensistas sira katak iha loron rua nia laran sei bele identifika area prinsipal sira, halo analizes no avaliasaun ba estadu atual rekomendasaun konferensia nasional iha tinan 2010 nian, halo prosesu konsultasaun ba dezvoltamentu neébe sustentavel, no hatur plata forma ba asaun atu resolve prioridade prinsipal ba redus mortalidade maternal no hadia asesu ba planeamentu familiar no

edukasaun sexual hanesan OUTCOME NO OUTPUTS
iha Concept Note Konferensia Nasional neé.

Obrigado wa'in

Ho remata diskursu neé, hau loke Konferensia
Nasional neé...